



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱԶԱՆԸ ԸՆԴՈՒՆԵՑ ՄԱՐԴԱՅԱՄԱՐԻ ՍՊԱՍԱՐԿՈՒԹԵԱՆ ՊԱՏԱՍԽԱՆԱՏՈՒՆԵՐԸՆ ՏԻԿԻՆ ԱՆԱՅԻՏ ԹՈՎՄԱՍԵԱՆԸ

Երեքշաբթի, 6 Յուլիսի յետմիջօրէին, Ազգային Առաջնորդարան այցելեց Միացեալ Նահանգներու 2010ի մարդահամարի սպասարկութեան Հարաւային Բալիֆորնիոյ պատասխանատու մասնագետներէն Տիկին Անահիտ Թովմասեան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի կողմէ: Տիկին Ա. Թովմասեան Ազգ. Առաջնորդարան եկած էր Առաջնորդ Սրբազանին յանձնելու գնահատանքի յուշատախտակ մը եւ մարդահամարի սպասարկութեան վարիչներէն՝ Ճէյմս Զրիսթի շնորհակալական նամակը: Ճէյմս Զրիսթի շնորհակալութիւն կը յայնտէր այն գործակցութեան ու աջակցութեան համար, զորս Ազգ. Առաջնորդարանն ու մեր Թեմի եկեղեցիները ցուցաբերեցին մարդահամարի նախապատրաստական աշխատանքներուն ընթացքին:

Տիկին Ա. Թովմասեան մօտաւորապէս տարի մը առաջ այցելած էր Ազգ. Առաջնորդարան եւ հանդիպում ունեցած՝ Առաջնորդ Սրբազանին հետ: Այդ հանգրուանին, ան եկած էր լուսաբանութիւններ տալու մարդահամարի աշխատանքներուն մասին եւ խնդրելու, որ Ազգ. Առաջնորդարանն ու մեր եկեղեցիները գործակցին այս կարեւոր աշխատանքին, նկատի ունենալով, որ անոր արդիւնքները կրնան դրական անդրադարձ ունենալ ամերիկահայերու քաղաքացիական պարտաւորութեանց ու իրաւունքներու կիրարկման ծիրին մէջ: Առաջնորդարանս ընդառաջեց դիմումին ու ատենին շրջաբերական յղելով մեր եկեղեցիներուն, յանձնարարեց, որ անհրաժեշտ տեղեկատուութիւնը կատարուի մեր ժողովուրդին, ինչպէս նաեւ ի հարկին տեղ տրամադրուի մարդահամարի նախապատրաստական ու յարակից աշխատանքներու համար: Ազգ. Առաջնորդարանի սրահն ու կարգ մը եկեղեցիներու գրասենեակները որոշ հանգրուաններու տրամադրուեցան մարդահամարի սպասարկութեան, որպէսզի պաշտօնեաներ վարժութեան դասընթացքներու հետեւին, իսկ Տիկին Ա. Թովմասեան այցելութիւններ տուաւ մեր եկեղեցիները, լուսաբանութիւն տալու համար մարդահամարի աշխատանքներուն ու անոր մեր ժողովուրդին մասնակցութեան կարեւորութեան մասին: Այս գործակցութիւնը իւրաքանչիւր հանգրուանի դրական տրամադրութիւններով ողջունուած էր սպասարկութեան կողմէ:

Տիկին Ա. Թովմասեան, Երեքշաբթի իր այցելութեան առիթով, անգամ մը եւս ու անձնապէս շնորհակալութիւն յայտնեց Առաջնորդ Սրբազանին ու Ազգ. Առաջնորդարանիս, տրամադրուած աջակցութեան ու դիւրութիւններուն համար: Ան Առաջնորդ Սրբազանին յանձնեց սպասարկութեան շնորհակալութիւնը արտայայտող վկայագիրը: Առաջնորդ Սրբազանը բարձր գնահատեց Տիկին Թովմասեանի ծառայութիւնները, վեր առնելով այն իրողութիւնը, որ ան Հարաւային Քալիֆորնիոյ մէջ այս աշխատանքներուն մասնակից ամենէն բարձրաստիճան հայն է: Ան յաջողութիւն մաղթեց անոր յառաջիկայ աշխատանքներուն:

PRELATE WELCOMES CENSUS BUREAU SPECIALIST ANAHIT TOVMASYAN

On Tuesday, July 6th, 2010, H.E. Archbishop Moushegh Mardirossian, Prelate, welcomed to the Prelacy Mrs. Anahit Tovmasyan, Partnership Specialist at the U.S. Census Bureau. Mrs. Tovmasyan had come to present the Prelate with a plaque and letter of thanks from the director of the U.S. Census Bureau's Los Angeles Regional Office Mr. James Christy, for the collaboration of the Prelacy and its churches in preparation for the 2010 Census.

Mrs. Tovmasyan first met with the Prelate nearly a year ago to provide information about the then upcoming Census and request the assistance and collaboration of the Prelacy. Following that initial meeting, the Prelacy partnered with the Census Bureau in their outreach efforts; Prelacy churches provided the necessary information to our community, the Prelacy hall and church offices were used for training sessions, and Mrs. Tovmasyan visited churches to provide information and stress the importance of participation.

During her visit on Tuesday, Mrs. Tovmasyan once again thanked the Prelate for the support of the Prelacy and churches in facilitating the work of the Census Bureau. The Prelate commended Mrs. Tovmasyan for her efforts in rallying the Armenian community which, as a result, had the highest rate of participation in Southern California, and wished her success in future endeavors.